

آخر أيام سقراط

شخصيات المسرحية:

- 1- سقراط: الفيلسوف الحكيم شهيد الحقيقة والمعرفة وحرية الشعب.
- 2- انيتوس: تاجر الجلد وزعيم الديموقراطية و عدو سقراط.
- 3- ديكوش
- 4- الغريب اكساماتوس
- 5- كاهن
- 6- ميلوتوس
- 7- كبير الحرس
- 8- رئيس الوزراء
- 9- كوستا
- 10- نيكون
- 11- اكزنتيبي: زوجة سقراط
- 12- ثيودورا: تلميذة سقراط ورمز الحب والجمال
- 13- كريستياس: المتآمر مع اسبرطه وزعيم الحزب المناهض للديموقراطية
- 14- افلاطون : تلميذ سقراط.
- 15- ابن انيتوس : تلميذ سقراط ورافض لفكر ابيه
- 16- قائد جيش اسبرطه
- 17- تلاميذ سقراط
- 18- رئيس حكومه الثلاثين
- 19- وزراء حكومة الثلاثين
- 20- نيكون ديوقراطي
- 21- القضاة والمحلفون
- 22- الأغنياء
- 23- الجنود
- 24- الشعب

يبدأ العرض فى إحدى ميادين أثينا...

سقراط: أثينا يا أثينا أنا واللى زى عملناكى أثينا.. خيناكى مدينة الفلسفة والحضارة... سياسينيك

ضيعوكى خلو جيشك وأرضك مفتوحين لكل غازى ولكل خاين.

"خوف وفزع وتزاحم بين الناس وهرولتهم ناحية سقراط"

الشعب: سقراط فهمنا يا سقراط أخبار المعارك ايه؟ وايه اللى بيحصل فى بلدنا؟ فهمنا فهمنا

ياسقراط.

سقراط: ضاعت أثينا!! (بحسرة وانكسار)

الشعب: ضاعت أثينا؟! ضاغت أثينا؟! ضاعت أثينا!؟

جندى: (بصوت عالى من بعيد) انتصرت اسبرطه...

الشعب: اسبرطه اسبرطه انتصرت؟؟؟؟

ثيودورا: (بانكسار وحزن) شمس الحضارة غابت... قيم الحق انذلت... والحرية انكسرت..

الشعب: انهارت أثينا.... انهارت أثينا... ليه؟ ليه يا سقراط؟

سقراط: انهارت أثينا... لأن أثينا تنازلت عن عظمة أثينا... ديموقراطيتها غرقت فى الفوضى..

أضعف ما فيها حاكمين و أعظم ما فيها محكومين..

الشعب: أضعف ما فيها حاكمين وأعظم ما فيها محكومين؟؟

إكزنتيبي: (تهرول مسرعة ناحية الجميع) اهربوا اهربوا....

الشعب: فيه ايه يا اكزنتيبي؟ فيه ايه يا امرأة سقراط؟

إكزنتيبي: عسكر اسبرطه..

الشعب: عسكر اسبرطه؟

إكزنتيبي: خيل ورجال سيوف وموت... اهربوا اهربوا..

الشعب: (فى ذعر وهلع) اهربوا اهربوا.

أنيتوس: سقراط... انت اللى دخلت اسبرطه.. انت اللى زعزعت الدين.. بسبب تعاليمك غضب

الآلهة حل علينا.. لازم تتحاكم سقراط.

جنود أنيتوس: لازم تتحاكم سقراط...

سقراط: يا أنيتوس أنا مكلف برسالة سماوية جاى اهدى الناس البساطة..

أنيتوس: أى بساطة... غيرت عقول الشباب ما عادتش قادرة حتى تقاوم.... فرقت بين الأب وابنه

وسرقت الأخ من أخوه..

جنود أنيتوس: (فى حالة صدام مع الشعب) لازم تتحاكم سقراط لازم لازم..

- الشعب: مش وقته ... مش وقته يا أنيتوس.
- سقراط: يا أنيتوس.. أنت زعيم الحزب الحاكم والديموقراطى الكبير ليه ما وقفتش؟ ليه ما دافعتش؟
- الشعب: ليه ما وقفتش؟ ليه ما دافعتش؟ إنتوا للى مكنتمو جيش اسبرطة ومن غير معارك انهزمتوا.. ليه انهزمتوا؟
- أنيتوس: انهزمتوا لأن الأعداء بالداخل.. سقراط وتلاميذه وأولهم كريستياس هدموا الديموقراطية.
- الشعب: كريستياس.. كريستياس جابوب يا كريستياس.
- كريستياس: يا أنيتوس انتوا الحزب الديموقراطية فشلتكم فى الحكم و انتو اللى خليتمو نحارب..
- أنيتوس: يا كريستياس انتوا اللى حكتم مش احنا اللى حكمنا...
- (طقس وثنى لدخول أله أهيرا مع الكهنة وخدام المعبد)
- الشعب: صلوا لأهيرا.. صلوا لأهيرا... يا ألهه أثينا صلوا لأهيرا.
- رجل: احميننا من جيش اسبرطة يا اهيرا بقينا شعب يأن الجثث فى الشوارع.. احميننا من جيش اسبرطه..
- هجوم ودخول جيش اسبرطه وقائده إذانا بدخول أثينا... حالة هرج وسيطرة من جنود اسبرطة على كل الموجودين
- جنود اسبرطه: قائد جيش اسبرطه الخالد اسكندر ..
- اسكندر: (فى تحدى وثقة) انت سقراط ..
- (الجميع فى خوف وترقب)
- اسكندر: يا أثينا انفرض الذل عليكى وانكسرتى.. الرمل بيشرب من دمك.. وأرضك مستباحه بسيف المنتصر اسكندر.
- الجنود: تحيا اسبرطه.. تحيا اسبرطه.
- اسكندر: يا أثينا، شروط الصلح هدم الأسوار والحصون، تسليم الباقي من الأسطول والأراضى، معاهدة تحالف معنا على الحرب والسلم
- الجنود: تحيا اسبرطة.. تحيا اسكندر قائد اسبرطة.
- القائد: إحنا لينا فى أثينا حلفاء وأصدقاء وهما اللى هيتولوا الحكم بالتشاور معنا.. حاكم أثينا الجديد يتفضل يستلم الحكم.
- (الجميع فى ترقب شديد)
- الجميع: (فى ذهول و مفاجأة) كريستياس!!!!
- كريستياس: تلميذك يا سقراط.
- كريستياس يتقدم فى خشوع ويركع أمام قائد جيش اسبرطه ويلبس الوشاح وخوذه

القياده والشعب فى حالة استغراب وسقراط فى حالة انكسار

اسكندر:

بالسلطة الممنوحة منا اليك نرسم كريستياس حاكم أثينا الجديد.

(يخرج جيش اسبرطه والجنود ويبقى الحاكم الجديد والشعب)

كريستياس:

(فى زهو وجنون العظمة) يا شعب أثينا من مجد الحضارة 00 وفى يوم من أعظم أيام التاريخ أبشرك بالنهضة 00 وأقدملك الحرية ومن الآن فصاعد حزب النخبة الغنيه استلم الحكم وأعضاء الحزب الديموقراطى لازم يتحاكموا 00 فيه اعدام وفيه منفى.

سقراط:

بدون محاكمة؟؟؟؟

كريستياس:

طبعاً فيه محاكمات بس بدل ما نتسرع فى الأحكام 00 بنفذ الأول وبعدين نبقى نحاكم على مهلنا 00 انكسر الميزان فى أثينا 00 العدالة عميت عندها 00 حد السيف بيشرب دم لغايه ما يرتوى القانون.

الجنود:

عاش كريستياس.... عاش عاش عاش

كريستياس:

أنا السلطه 00 وهيساعدنى فى الحكم ثلاثين وزير وهيبقى اسمها حكومة الثلاثين وبإسمى وإسم حكومة الثلاثين. هانحكم اثينا

الجنود:

عاش الثلاثين... عاشوا..

كريستياس:

الشكر الأكبر لأسبرطه ولقائده اسكندر.

الجنود:

تحيا أثينا... تحيا اسبرطه...

(يخرج كريستياس والجنود وقبل خروجهم)

سقراط:

ابتديت عهدك بالدم يا كريستياس بالدم؟!

كريستياس:

بالعكس ابتديت عهدى بالقانون.

افلاطون:

إذا سألتك بين القانون والضمير 00 مين تختار الأول.

كريستياس:

يا أفلاطون يا صديقى المهم ان أنا الحاكم 00 والقانون يمشى فوق الجميع.

افلاطون:

ولأنك حاكم بين القانون والضمير لازم تقدم الضمير.

سقراط:

يا كريستاس.. يا تلميذ امبارح وسيد أثينا اليوم ياللى قدرت توصل للحكم لكن ما قدرتش توصل للحكمة 00 ومن بدايتك الدمويه دى.. شايف نهايتك التعيسة..

ينظر كريستياس لسقراط فى تحدى بينما يخرج سقراط ومن معه بعدها تقدم كؤوس

الخمير لكريستياس

كريستياس:

نشرب الخمير لهذا اليوم المجيد.

الجنود:

(ومعهم كريستياس) تحيا أثينا... تحيا اسبرطه.

(استعراض للجنود وتسليم كريستياس قيادة الجيش)

كريستياس:

أنا القائد الأعلى للجيش.

(يدخل جنود اسبرطه وقائدهم مرة أخرى)

اسكندر:

اسبرطه الذهب و أثينا الذهب يا سلام على النظام.

(اغنية للإحتفال بالحلف والنتصار ونهاية المشهد الأول)

الكورس:

وحكم كريستياس بسيف اسبرطه حكم، مشى نهر الرعب بأثينا، كتب الشعر اتلطخت بالدم، بكيت الآلهه بكيت أثينا.

ميليتوس:

أنا ميليتوس الشاعر هاكتب المراثى من أجلك يا أثينا.

الكورس:

لكن سقراط ظل يقاوم ضد الكل، ظل يقاوم لا من أجل المال لا من أجل السلطة، اختار انه يكون شهيد، لأن الحقيقة، العدل، الحرية، لابد لهم من ضحية وهو جاى عشان يكون الضحية.

(فى سرية وتلصص وخوف يدخل أنيتوس وديكوس أحد رجال أنيتوس)

أنيتوس:

ديكوس عندك مهمة.

ديكوس:

جاهز.

أنيتوس:

توزع الرسائل دى تسلم ليونس الديموقراطى الرسائل دى، فيه ثورة هاتقوم.

ديكوس:

تحيا الديموقراطية.

أنيتوس:

وعشان تضمن سلامتك ما ترجعش كمل للتوار فى الجبل.

ديكوس:

حاضر.

(يدخل ميليتوس الشاعر)

أنيتوس:

ميليتوس، غريبة لغاية النهاردة كريستياس ما اعتقلنيش.

ميليتوس:

اكيد عايز منك حاجة، كريستياس لازم يختفى.

أنيتوس:

سقراط هو اللى لازم يختفى لأن هو العقل اللى بيحرك الثلاثين.

ميليتوس:

سقراط ساخر احنا مش قده، هدام.

أنيتوس:

وغير مؤمن بالآلهه.

ميليتوس:

بينى وبينك انت يعنى اللى بتآمن بالآلهه اوى.

أنيتوس:

المهم الشعب يآمن، إله الحب، إله الحرب، إله للطب، كل حاجة ولها إله والشعب اللى

بيصلى ويدفع زكاه وصدقات، قليل لو واحدة حامل توفى النذر لإله، يا ابنى كل الآلهة

دى بتشتغل لمصلحتنا، ماسكين بواسطتهم عقول الناس، يجى سقراط عايز إله واحد

ويضيع الآله' وتضيع معاها السيطرة من ايدينا.

ميليتوس:

سيبه يتفلسف آخرته ايه يعنى؟

- أنيتوس: لالالا دا مايتسابش.
- ميليتوس: بعد هزيمتنا من اسبرطه، الشعب محتاج لضحية وضحية تبقى مسئولة عن الهزيمة.
- أنيتوس: ضحية على مستوى أثينا.
- ميليتوس: والضحية سقراط.
- أنيتوس: المصيبة.. أنا أكبر تاجر جلد وزعيم الديموقراطيين، سقراط غيب عقل ابني وخذه منى وبقي من تلاميذه، قال ايه بيفتش عن الحقيقة، بقى بيكره المال، أmaal أنا بجمع الثروة دى لمين؟؟!!
- ميليتوس: يبقى لازم نتخلص منه.
- أنيتوس: وتاجر الجلد لازم يهزم الفيلسوف.
- (نقلة غنائية)
- ثيودورا فى حالة نشوه تغنى وحيدة عن اشتياقها للآخر وتمنيها ان تجد صبيا لها وهى تنتظر فى قاعة الدرس ومكان اجتماع سقراط بتلاميذه
- سقراط: يا وردة الانتظار...ثيودورا الجميلة شايفك مستتية حبيب ومشتاقة للمجهول.
- ثيودورا: يا معلم أجمل ما فى الحب الصدفة ماتعرفش حبيبك جاى امتى وماشى امتى.
- سقراط: بس أحيانا الحب بيتحول لغدر والانتظار بينتهى بآلم.
- ثيودورا: رجاله أثينا خايفين قاعدين فى البيوت.
- سقراط: يا ثيودورا الجميلة تعيس هو اللى مش بيحاول يقرب منك ويتمتع بحنان قلبك وسهام عينيكى.
- ثيودورا: الحب والجرأة بيتجمعوا يا معلم. ويا ترى الحب ضاع من أثينا؟
- سقراط: يمكن الرجالة قلت فى أثينا.
- ثيودورا: الراجل الوحيد هو انت يا معلم.
- سقراط: كلمة معلم واقفة سد بينى وبينك.
- ثيودورا: لحظة صدق كل سدود العالم تنهار.
- سقراط: كام مرة الانسان يا ثيودورا بيحبس رغباته بكلمة تطلع من لسانه00 وبيخسر كل شئ بكلمة تانية تخرج من نفس اللسان.
- ثيودورا: كثير أتأملك يا معلم00 احس انك زى الغيوم اللى شايلة مطر ومش راضى المطر ينزل.
- (صوت أجراس قويه ومرعبة)
- سقراط: إيه أصوات الأجراس دى يا ثيودورا!!؟
- ثيودورا: (فى فزع) كل ما اسمعها قلبى بيقف من الرعب والخوف.

- سقراط: ايه الاصوات دى يا أفلاطون؟؟!!
- أفلاطون: أجراس الرعب يا معلم 00 كل ما جرس يضرب كل ما فيه حد بيموت أو يقتل. الناس بتضيع من بعضها على ايدين كريستياس
- ثيودورا: أجراس كريستياس بتقتل الناس.
- سقراط: كريستياس جاهل بعيد عن المعرفة والحقيقة 00 والعمل الصالح مستحيل بدون المعرفة.
- (يدخل شخص غريب فيوقفه سقراط بعصاه)
- سقراط: مين انت؟؟ ورايح فين؟؟
- الغريب: اسمى اكسامافوس وجاى لأثينا.
- سقراط: جاى ليه؟
- الغريب: جاى اتعلم وافتش عن الحقيقة.
- سقراط: وهل وصلت للحق؟ أفلاطون ده زميلك الجديد اكسامافوس.
- (منطقة غنائية)
- يتجمع تلاميذ سقراط من كل اتجاه ليغنوا عن المعرفة والحق وعن بحثهم عنهما ويغنوا عن حوارتهم الفلسفية والجدلية فى كل شئ وعن كل شئ طالبن سقراط بالفهم والحقيقة والاجابة عن استفسارهم
- سقراط: انتوا الطليعة المختارة للانسان الى جاى واذا غيرنا أثينا هنغير العالم كله.
- تلميذ: اذا شفنا المحلات التجاربه مليانة بضايح بنفسر ده بايه يا أفلاطون؟؟
- أفلاطون: علمنا سقراط الحكيم أنه (ما أكثر الأشياء التى لا نحتاج اليها ولا بد لنا أن نغير أثينا)
- الجميع: لا بد أن نغير أثينا....يا عالمنا القديم لازم حتما تتغير لا الحقيقة بتستخبي ولا الحرية بتتكسر وعمر ما يقدر يقف فى وش الحقيقة لا خيول ولا سيف ولا عسكر.
- تلميذ: مارأيك يا حكيم بالديموقراطية؟؟
- سقراط: يا صديقى حسنات الديموقراطية هى حكم الأكثرية.
- ثيودورا: وسيئات الديموقراطية ان حكم الأكثرية بيخلى الكمية تحكم النوعية 00 صندوق الانتخاب أرقام مجردة يقدر الجهل والتطرف انه يحكمها ويتحكم فيها.
- (يدخل أنيتوس)
- أنيتوس: سقراط.... اذا رجعنا للحكم تانى لا بد نحاكمك.
- سقراط: انا الى عايز احاكمكم واحاكم كريستياس انا عايز الشعب يعرف حقيقتكم انتوا الاتنين عشان يثور على التجار وبياعين السياسة الكدابين.
- (أغنية)

- الجميع: يلا يا معلم يلا يا معلم لازم على ايدينا الظلم يتهدم.
- أنيتوس: يا ناس انتبهوا سقراط الكافر قاعد بمزاجه يحلل ويحرم.
- ابن أنيتوس: أنا ابن أنيتوس سايب ثروة أبويا ومراكبه وجلوده وجاى لأرسطو اهتدى للحقيقة.
- (يتجمع الجميع يتحركوا باتجاه أنيتوس لإخراجه من الدرس)
- الجميع: يلا يا معلم يلا يا معلم على ايدينا الظلم لازم يتهدم.
- (يخرج أنيتوس)
- سقراط: ياابن أنيتوس أول الحقيقة، اعرف نفسك.
- (تدخل زوجة سقراط)
- إكرنتيبي: الله الله مبسوط اوى من حالك عمال توعظ ولا شغلة ولا مشغلة.
- سقراط: أحسن ما نقعد نتشاكل أنا وانتي طول النهار.
- إكرنتيبي: ولازم نتشاكل؟؟ نفسى مرة اشوفك فى البيت.
- سقراط: أحسنك ما تشوفنيش فى البيت. الستات بيدفعوا فلوس عشان يسربوا رجالتهم. أنا مريحك منى ببلاش.
- ابن أنيتوس: البيت سجن العظماء.
- إكرنتيبي: (بسخرية) مين اللى بيتكلم؟؟ ابوك أغنى الأغنياء لكن سقراط مين بيأكل عياله؟؟
- أفلاطون: احترمى المعلم.
- إكرنتيبي: يا حلاوتك ياأفلاطون ، اقعد اتفلسف لحد ما تخرب الدنيا خدنا إيه من الفلسفة روح دورلك على شغله ليها قيمة الفيلسوف مالوش مستقبل.
- أفلاطون: الفيلسوف ملوش مستقبل لكن المستقبل للفيلسوف.
- سقراط: يا اكرنتيبي لا أنا ولا أنتى هانتغير.
- إكرنتيبي: كويس انك عارف نفسك بتاع كلام وبس، تقدر نقولى اتجوزتتى ليه؟؟؟
- سقراط: اتجوزتك عشان ادافع عن كل المغفلين اللى اتجوزوا.
- إكرنتيبي: فوق لنفسك يا سقراط الكل عاوز يقطع رقبتك، أخذت منهم عقول ولادهم، قدام الكل أنا بقولك أهو أنا أول واحدة كافرة باللى بنقوله.
- سقراط: سيبونا لوحدنا.
- إكرنتيبي: وثيودورا الحلوة دى بتعمل ايه معنا؟؟؟
- سقراط: ثيودورا من التلاميذ.
- إكرنتيبي: (بتهمك) من التلاميذ؟! آه، ويتديلهها دروس في إيه بالضبط؟
- سقراط: تلميذة فلسفة يا اكرنتيبي.

- إكزنتيبي: يا حلاوة الفلسفة اللي بينك وبينها.
سقراط: أنا شغلتي أغير الناس.
إكزنتيبي: يا اخويا طب غير أحوالك الأول 00 كريستياس تلميذك بقى الحاكم خليه ياخذك مستشار.
سقراط: عاوزانى ابقى فى الحكم؟
إكزنتيبي: على الأقل تتصف.
سقراط: ليه هو اللي فى الحكم نضاف أوى.
إكزنتيبي: طالما انك شاطر فى الكلام اشتغل بالسياسة.
سقراط: بتقولى ايه؟؟؟
إكزنتيبي: الكل غير حاله الا احنا نسوان الوزرا مش اجمل منى.
سقراط: بكره تعرفى إنك أهم من الكل. إنتى زوجة سقراط.
إكزنتيبي: بذمتك لو أنا فيلسوفة هتقعد معايا؟؟؟
سقراط: ولا ساعة واحدة.
إكزنتيبي: ليه يا سقراط؟؟!!
سقراط: يا إكزنتيبي أنا مشكلتى الفضيلة وأثينا.
إكزنتيبي: يا خوفى لا تضيع منى وتاخذك أثينا منى.
سقراط: هاروح منك فىن ما انتى أثينا.
إكزنتيبي: (تشهق شهقة استغراب) دوختنى بكلامك وعمرك ماعملتهالى قبل كده قولى من الكلام ده كتير.
سقراط: ماشى، المهم سيبينى بقى عندك بيت ملكك وبتعيشى من حر مالى إنتى مسئولة عن ولادك وبس، أنا كل شباب أثينا ولادى
إكزنتيبي: بقى سايب ولادك ودابير تحلق على الكل؟؟؟
سقراط: ولادى بالروح يا اكزنتيبي.
إكزنتيبي: معاهم حق الأهالى يثوروا ضدك.

(الأجراس بتدق)

(يدخل القضاة والكهنة ليعلنوا أحكام الإعدام للديموقراطية)

- قاضي: سانتو ابن بابادوبلس العقوبة إعدام التهمة ديموقراطى، أيما دوس ابن ديبوس العقوبة إعدام التهمة ديمو قراطى.
الكورس: النهار انكسر العدل اسود يا أثينا.
كاهن: السادة الأجلاء جريببوس واكسندرس وغتريجوس من حكومة الثلاثين مدعويين يوم

الثلاثاء لاسبرطه لتوقيع المعاهدات يا آلهه المدينة احفظى حكامنا وانصرى كريستياس
ومجدى عصره وحكومته حكومة الثلاثين
السيد كريستياس العادل حاكم أثينا وما يليها. كاهن:

(يدخل كريستياس وجنوده بهمجية فينفرط عقد الموجودين ويقف الجميع فى حالة هلع)

سقراط أحوالك ايه يا معلم...يا اكزنتيبي ازيك؟؟

كريستياس:

(يبدو الولى والسعادة على زوجة سقراط)

لو أنا لسه معلمك ليه كل الظلم ده؟؟ ليه أجراس القتل بتدق فى أثينا...لسه سيفك ما

سقراط:

ارتواش من دم الديموقراطيه؟؟!!!!

الديموقراطيين أعداء النظام.

كريستياس:

كريستياس هل من حقنا نقتل انسان اذا كان رأيه يخالف رأينا؟؟؟

سقراط:

من أجل الصالح العام...أه من حقنا.

كريستياس:

وهل فيه حكم صالح 00كل قرارته انه يقتل معارضيه؟؟؟

سقراط:

لكن الحرية متاحة للجميع.تنكر

كريستياس:

حريه إيه؟؟

سقراط:

الحب، السهر، التجارة، الاحتكار، رفعوا الأسعار وماقولناش حاجة سيبناهم يعملوا كل

كريستياس:

الى هما عايزينه، لكن السياسة بتاعتنا وبس 00الى يبعد عن السياسة يعيش مرتاح.

شعبنا بيحب السياسة اذا ادبته نص الحرية يعنى امتلكته نص العبوديه.

سقراط:

علمتى ياسقراط ان الحكمة بدون سلطة وهم، سقراط 00 استبدل عصاية الفيلسوف

كريستياس:

برمح المحارب وانضم لقضيتنا.

عمرك اطول من عمرى وحياء النبى لتوظفه معاك.

إكزنتيبي:

وانت وظيفتك ايه انت وحزبك غير التتكيل بالناس 00 كل واحد فينا اختار فريقه انت

سقراط:

اخترت قصر الحكم وانا اخدت ميادين أثينا 00انت اخترت الأغنياء وانا اخترت الفقراء.

يعنى عايز تقولى انك مع الشعب...الشعب الى بيحب المال ونفسه يطلع لفوق؟؟

كريستياس:

اذا كان ده رأيك فى شعبك باقى فى الحكم ليه؟؟

سقراط:

سيفى هو عظمة أثينا ومجدها.

كريستياس:

اى مجد؟؟ إزاي تحكم بلد ما عندوش سيادة؟؟ انهارت الدوله لما بقت السيادة للسياسين

سقراط:

مش للدوله.

كده، 00 اعتباراً من اليوم 00 ممنوع التجمعات ممنوع التظاهرات، ممنوع التعليم

كريستياس:

بالساحات 00 سامع ياسقراط؟

(يخرج كريستياس مع حكومته)

(يحيط الجنود بسقراط ويقتربون منه حتى يخرجوه من المسرح)

الجنود: ممنوع التجمعات ممنوع التظاهرات ممنوع التعليم بالساحات.

إكزنتيبي: لو كنت أقدر أخبيك كنت أحطك فى عيوني كنت أحطك تحت شعري.

(وتخرج أحاسيس اكزنتيبي تجاه سقراط وخوفها عليه فى أغنية)

(تدخل ثيودورا ومعها ابن أنيتوس يحمل كتب)

ثيودورا: سقراط باعترك الكتب دى

اكزنتيبي: كتب كتب كتب تانى كتب احط الكتب فى السرير بقت كتب الكراسى بقت كتب 00

انتفضل حط الكتب فى اى داهيه 00 ابقى اعمل حساب انى اعرف اعدى من الكتب

(موجه حديثها لثيودورا) 00 قال ايه افلاطون جديد قال حاجه جديده 00؟

ثيودورا: قال ان فيه حب اسمه الحب الأفلاطونى 00

اكزنتيبي: يا حلاوة وكمان مسميه على اسمه

ثيودورا: الحب الأفلاطونى هوحب الجمال المطلق والأشكال السرمدية وامتلاك الخير المطلق

اكزنتيبي: آه حب من بعيد لبعيد يبقى مافيش جواز بقى

ثيودورا: الجواز مش على باله خالص

اكزنتيبي: بلاش افلاطون يبقى ابن انيتوس 00 ماتيجى نجوز هولك

ثيودورا: ماعندوش حاجه تستاهل الجواز

اكزنتيبي: بس ابوة عنده فلوس تسد عين الشمس

ثيودورا: خلاص يبقى اتجوز أبوة احسن

اكزنتيبي: شكلك ياتيودورا بتحبي المتجوزين

ثيودورا: المتجوز عقله اكبر ولسانه دافى

اكزنتيبي: وعموسقراط 00 لسانه دافى ؟

ثيودورا: المعلم ما بيتكلمش الا فى قضايا العقل

اكزنتيبي: سقراط بالعقل 00 وافلاطون حبه افلاطونى مافيش حد بيكلمك فى العشق والحب ؟

يدخل ابن انيتوس فى بلاهه وعبط 00

ابن انيتوس: لقيت النار حانتطفى حطيتهم فى النار

اكزنتيبي: يافرحتى بيك ياريت سقراط يعينك امين على كتبه 00 باركى ياتيودور لسقراط على

تلميذه النبیه 000 ماتيجى نجوز هولك ياتيودورا

ابن انيتوس: انا اتجوزت الحقيقة

- جتكم مصيبه الا مافى حد فيكم عاوز يتجوز زى الناس
 اكرنتيبي: يتحول المسرح لجو من الغموض ويحيط الديمقراطيين بأكرنتيبي ويلاحقوها بالوشايه
- ميلوتوس: جوزك سقراط مستشار لكريستياس وحكومته الثلاثين وحايلصوا على كل ديمقراطى فى
 اثينا
- مواطن: اكرنتيبي 00 خلى سقراط يخفف لهجته شويه كريستياس ضده والديمقراطيين ضده
- انيتوس: اكرنتيبي 00 جوزك واقع فى حب تيودورا
- اكرنتيبي: بيقولوا انت اللى بتعشقها
- انيتوس: انا 00 دا جوزك اللى عامل انه بيتكلم عن الفضيله
- اكرنتيبي: هاتحب سقراط على ايه ؟ 00 انما انت اكبر تاجر جلد واى ست فى اثينا تتمناك
- يدخل سقراط 000**
- سقراط: انيتوس 00 عندى سؤال
- انيتوس: انا اللى عايز أسألك
- سقراط: متسألنيش 00 ما عنديش اجابه امى كانت دايه بتولد الناس وانا طلعت زيه بس فى
 العقول انا باخللى العقول تتولد من جديد 00 انا بسأل والأنسان يفكر لغايه ميلاقى
 الأجابه ويفتكرها
- انيتوس: آه 00 لغايه مايلاقى الأجابه ويفتكرها شوف ازاي 000
- سقراط: ايوه 00 لأن المعرفه تذكر 00 اللى بنسميه احنا تعلم 00 هو فى الواقع تذكر لشيء كنا
 اتعلمناه فى ايام سابقه
- انيتوس: كفر كفر 000 شفتوا الكفر 00 سقراط بتآمن بالآلهه ؟
- سقراط: الكون العظيم والتناسق البديع 00 مستحيل وجوده بدون خالق أعظم
- انيتوس: تقصد اله واحد
- سقراط: اكيد اله واحد
- انيتوس: سامعه تخاريف جوزك وكفره سامعين
- اكرنتيبي: ازاي اله واحد خلق السما والأرض وظابط الكون داأحنا عندنا أكثر من ميت اله ومش
 عارفين يظبطولنا اثينا
- انيتوس: موش حرام عليك وانت سالب كل عقول الشباب دى وراك 00 مسيهم اھاليهم ودابيرين
 وراك يسمعو تخاريفك اللى بوظت بيها عقولهم 00 انا هاوريكم مصيبه 00 يتجه لأبنه
 تعالى 00 تعالى يا حبيبي
- الأبن: بكل بلاهه 000 نعم ياأبتاه

انيتوس:

أبتاه 000 تعالى يا شمول 000 يابنى احنا تاجر جلد ليه مابتشيلش معايا حمل التجاره الكبير ده يابنى شغلتننا كلها ذهب 00 مالنا ومال الفلسفه

الأبن:

أبتاه 00 الذات العليا 00 التوقع الكونى 00 السرمديه ال 000

انيتوس:

ملاحقا 00 بس بس بس يخرب بيتك ياسقراط زى ماخربت عقل ابنى 00 دانت هبلته

سقراط:

وانت ايش فهمك 00 انت تاجر جلد ومن كتر عشرتك لجلد الجواميس بقى مخك مخ

جواميس

انيتوس:

عندك ياسقراط 00 يبقى اللى بيتقال عنك صحيح 00 تيودورا 00الفلسفه بنتقتل الحب

سقراط:

موت بحسرتك يا أنيتوس وألعب غيرها 000 بلاش تيودورا يا أنيتوس انت فاكرا ان

السعاده فى جمع المال والفلوس 00 انا بأقولك حكمه 00 أقوى شىء اللى موش محتاج

لأى شىء 0000 افتحوا عقولكم للنور 00 وعن الحقيقه والحق دايمافتشوا الآلهه مافيش

فى أيدها أى حاجه تديها لكم لابتتفع ولا بتضر 00 شغلوا عقولكم وأعتمدوا عليها 00

ويا عذاب بكره اذا ماشغلتنوا عقولكم من النهارده 0000 تتهادى تيودورا حامله القيثاره

تعزف برقه ليغنى الجميع معها

افلاطون:

يا صبيه شويه شويه 00 بالراحه على الأغنيه 00 الاغنيه معموله على ايد الكواكب

والحرکه الكونيه 00 ناوى أألف كتاب وأسميه الجمهوريه 00 عن مدينه فى بالى مليانه

بالحرية أساسها العدالة وبنيانها الضمير للاحرب ولارشوه لاغنى ولا فقير 00 ويا لحظتننا

الجريئه وأهدافنا البريئه وديننا للحقيقه وديننا للحرية 0000000000000000

التلاميذ:

يا صبيه شويه شويه 00 بالراحه على الأغنيه 00 الاغنيه معموله على ايد الكواكب 00

تلميذ:

مكان المدينه فين وعلى أى شط تكون 000

افلاطون:

مكانها بالداخل لأن المدن الساحليه بيدخلها الأجانب ومع الأجانب غرايب وعجايب

تيودورا:

وضح يا أفلاطون اسلوب الحكم ايه وايه شكل الرئيس

افلاطون:

فى الجمهوريه رؤساء الدوله ما عندهومش فلوس وممنوع يتجوزوا

التلاميذ:

ممنوع يتجوزا !!!!

افلاطون:

أيوة ممنوع يتجوزا عشان ولادهم مايستغلوش السلطه

التلاميذ:

مافيش يا أفلاطون جمهوريه بالشكل ده 00 نقولك الحق 00 الخيال جميل لكنه لازم

يستند على حقيقه

افلاطون:

الحقيقه ان الجمهوريه لازم يحكمها الضمير

ابن أنيتوس:

معقول فيه جمهوريه فيها القانون بيمشى عالغنى وعالفقير وعلى ابن الوزير 00 ورئيسها

مش متجوز وكمان فقير ولارشوه فيها ولا محسوبيه 00 ولا فيها حد بيخرب باسم الدين او

بدعوى الحريه

التلاميذ:

فين يافلاطون 00 فين يافلاطون 00 موجوده الجمهوريه

" برق ورعد تمهيدا لجلسة حكومة الثلاثين برئاسة كريستياس "

يدخل كريستياس مسرعا وأقل من نصف المجلس موجود

كريستياس: يارئيس المجلس 00 فين باقى الوزراء !

رئيس الوزراء: ايه 00 غايبين

كريستياس: فين الوزير اسبيروس ؟

رئيس الوزراء: معتكف بقبرص

كريستياس: والوزير قسطنطين ؟

رئيس الوزراء: راح على مصر سياحه

كريستياس: وميخائيلوس وكوستانيتوس ؟

رئيس الوزراء: فى رحله صيد بأسبرطه عايزين نقول ياكريستياس ان مافيش نصاب 00 عدد الموجودين

حداشر من اصل ثلاثين مافيش اغلبيه

كريستياس: ماتشغلش بالك 00 اتناقشوا براحتكم وانا واقف اتابع وأقرر

يجلس الوزراء لبدء مناقشه امور اثينا

رئيس الوزراء: عندنا اليوم قضيه واحده 00 قضية اعدام ليون الديمقراطى ومصادرة أراضيه

كبير الحرس: الأراضى تم مصادرتها واتباعت كمان " ينظر الوزراء لبعضهم باءستغراب"

رئيس الوزراء: اذن نشوف التصويت عشان الأجراء يبقى قانونى واحنا بنعدم ليون

"لايرفع احد بينما يرفع كريستياس يده وهو معطيهم ظهره وعندما يلتفت يرفعون"

كريستياس: واحد 00 اتنين 00 ثلاثه " لغاية حداشر " 00 حداشر صوت "ثم يشير لنفسه بعظمه"

وتسعتاشر صوت يبقوا 00 00

الوزراء: ثلاثين 000

كريستياس: اغلبيه 00 مسكين ليون 00 ماكنتتش احب أنه يعدم 00 لكن 00 ارادة الأغلبيه 000

أرجوكم نقف دقيقه حداد على ليون !! " لحظة سكون "

كريستياس: اتفضلوا انتوا تعبتوا النهارده "يخرج الوزراء"

كريستياس: كوستا

كوستا: أمرك كريستياس

كريستياس: رجالتك يراقبوا الناس زى خيالهم 00 عايز أعرف الناس بتقول ايه 00مين عايز يتمرد

عالمسلطه مين معانا ومين ضدنا

- كوستا: " بسخريه " خلصوا اللى ضدنا 00 وباقى اللى معانا
- كريستياس: " باستهبال " راحوا عالمنفى
- كوستا: ابعد
- كريستياس: اشرحلى 00 فهمنى
- كوستا: رؤوس الناس زى الثمر على الشجر 00 واول ماتفكر أنها تستوى على طول بنقطفها
- كريستياس: لالا 00 الكلام ده ببجرح ياكوستا 000 احنا موش كده خالص 00 بس نعمل أيه كان لازم يسكتوا وعملت أيه كوستا ؟؟؟
- كوستا: أعظم تكريم 00أعلى صناديق خشب وأجمل ورد وأعذب ترانيم حزن ومجد اثينا العظيم
- كريستياس: الدور 00 على سقراط 00 لازم نزيحه
- كوستا: سقراط شعبيته زادت وكان بيعارض القبض على المرحوم ليون
- كريستياس: ليون مامتش الا بعد اغلبية المجلس
- كوستا: ماحنا موتناه قبل مايبقى فيه اغليه
- كريستياس: "بجنون العظمه" ياكوستا 00أمنيتى أخلى أثينا عظيمه غنيه 00 حلمى أنى أقضى على الفقر 00 تفتكر كوستا أقضى على الفقر ازاي
- كوستا: بسيطه 00 أقضى على الفقرا 00 تقضى على الفقر
- كريستياس: " يضحك بجنون وسخريه ثم يحتد آمرا" هاتولى أنيتوس
- كوستا: انيتوس 00 انيتوس
- انيتوس: مين بينده 00 نايم نايم
- كوستا: كريستياس بيؤمر انه يشوفك
- "يدخل انيتوس فيشاوور كريستياس باصبغه ان يقترب وينحنى فيفعل "
- كريستياس: أنيتوس
- أنيتوس: نعم سيد كريستياس
- كريستياس: ماسمعناش رأيك انيتوس "يستغرب بخوف " 000اعملوا عفو لأنيتوس
- أنيتوس: بس انا موش محكوم عليا
- كريستياس: بسيطه 00 أحكموا عليه بالأعدام 00 "يرتعش أنيتوس رعبا" وبعدين نصدر عفو عنك
- أنيتوس: " يضحك ماكرا" 00 كريم وقلبك كبير
- كريستياس: أنت سياسى و أكبر تاجر جلد وابنك مضيع وقته ورا سقراط خللى أبناك يمسك التجاره
- وأنت خليك فى السياسه
- انيتوس: عندك حق 000 لكن موش لاقيله حل

- كريستياس: لاقتلك حل 00 خليك فى التجاره وسيب السياسه
- انيتوس: لكن لازم يكون فيه معارضه طول مافيه حكم احنا لينا وجهة نظر لكن الهدف واحد
- كريستياس: أهودا العيب يا أنيتوس أنا شايف وجود المعارضه يعنى وجود صراع 00 سرعان ما يتحول الصراع لطمع !!!
- انيتوس: لكن ألغاء المعارضه معناه ألغاء الحريه
- كريستياس: الدوله 00 فى حاله عجز من من كتر الاحتجاجات 00 ولأن أصحابك الديمقراطيين سلمها لى 00 منهوبه
- انيتوس: "بأستهبال" موش فاهم
- كريستياس: ياسلام أفهمك 00 عايزينك تتبرع بنص ثروتك 00 عشان نرجع أقتصاد أثينا لقوته فهمت ولاأخلى كوستا يفهمك ؟
- انيتوس: " برعب" لالا لا 00 فهمت
- كريستياس: كوستا
- كوستا: أمرك كريستياس
- كريستياس: بما أن انيتوس جالنا بأرادته الحره 00 وتبرع لينا بنص ثروته من اجل أثينا 00 نفذوا الأوامر 00 وسهلولة تجارته وأحموا كل مصالحه فى التصدير وزياده فى الاحترام 000 عينوله محاسب من عندنا
- انيتوس: "مصدوم" وكمان محاسب 00 كفايه كرم 00 تسمحلى أروح بيتى
- كريستياس: بالسلامه 000 انيتوس 00 تكريما لك تعالى أسهر معانا الليله
- " يضاء المسرح كاملا على استعراض سهرة كريستياس وجنوده الاستعراض يظهر همجيه جنود كريستياس وشدة بطشهم مع راقصه واحده بينما يقف انيتوس وحده مرعوبا تنتهى الرقصه بصوت خلفى يدعو انيتوس الى الهرب الذى يبدو وحيدا فى المشهد"
- الصوت: اهرب يا أنيتوس اهرب الى جاى مش فى صالحك
- ابن انيتوس: رايح فين يا أبى ؟
- انيتوس: كريستياس استدعانى ولهف نص ثروتى النهارده موش عارف لوقعدت لبيكره ايه هياحصللى
- ابن انيتوس: انتو السياسين بتلعبو لعبه بتغامروا فيها بقدركم واعماركم
- انيتوس: مافيش وقت للكلام انا طالع الجبل رايح للثوار تعالى معايا
- ابن انيتوس: ادعيلك بالتوفيق

- انيتوس: لأخر مره فكر يابنى ثروتى وتجارى حالى ومالى لمين غيرك
- ابن انيتوس: ياأنيتوس ياأبى انا وهبت حياتى للحكمه ولللساطه انا مع سقراط
- انيتوس: سقراط سقراط هى دى المصيبه سقراط أخطر من كريستياس سقراط لازم يتحاكم
- ابن انيتوس: قبل مالوقت يسرقك اهرب وسيب أثينا سيب ثروتك وتجارتك اهرب على حصانك يمكن
- دا يخليك ترجع مجد اثينا " يدخل نيكون على عجل يلهث "
- نيكون: انيتوس الثوار قرروا الزحف على اثينا
- انيتوس: انا جاهز بس الخلايا النايمة فى أثينا لازم نعرفها مهمتها ايه فى الداخل
- نيكون: البس " لبس اشبه بالأسدال النسائى "
- انيتوس: ايه ده ؟
- نيكون: مافيش وقت " يرتدى انيتوس بينما يصدى الأبن من وسيلة التخفى "
- ابن انيتوس: مهما عملت ياأنيتوس ومهما كان عندك من مال وشهره وقوه كنت فاكرك هاتسيب أثينا
- بشجاعه ووضوح وانت راكب حصانك وفى وش الكل ووراك عبيدك كنت فاكرك هاتواجه
- فى لبس الرجوله الاقنيك تهرب وانت لابس !!!!!
- "يتحول المسرح لمجلس سقراط وهو يناقشهم "
- سقراط: لازم يكون عندنا جرأه واحنا بنعلن عن أفكارنا لازم افعالنا تكون مطابقه لأقوالنا واذا كنا
- بننقد أفعال الناس وأقوالهم يبقى لازم نتقبل نقدهم لينا
- افلاطون: فين حدود الديمقراطيةه يامعلم امتى تبدأ وفين تنتهى ؟
- سقراط: ياأفلاطون الديمقراطيةه زى كل شىء اذا زادت عن الحد هددت حريات الآخرين وتحولت
- الى استبداديه وكلما أستقوت قيدت حق الإنسان وحرية الديمقراطيةه ليست مشاع ولا قيود
- تلميذ: حرام أفكارك يامعلم ماتتسجلش
- تلميذ آخر: لايوس بيسجل كل اللى بيقوله المعلم
- سقراط: انا عمرى ماشفت حد ببحور كلامى زى لايوس دابيقولنى كلام ماقولتوش " يضحكون "
- تلميذ ثالث: انا خايف تتشوه حكمتك ويضيع معناها الحقيقى مايبين افلاطون وأكزمينوس
- سقراط: وهما دول بس كتير غيرهم بيحرفوا افكارى
- تلميذ: دا لأنك يامعلم بتوعظ الناس بكلامك وتمشى !!
- سقراط: انا زى البذره اللى بتترمى فى الأرض وبتطلع شىء نافع للناس أنا البذره والأرض هى
- عقول الناس لما بتكلم بحاور الناس وأقنعهم بالحجه والبرهان
- تلميذ: ولما بنكتب
- سقراط: الكلام بيتلون بنقدم كلمه بناخر كلمه يتغير المعنى الحوار هو الحياه والكتابه هى الجماد

تلميذ:

لكن الأفكار اذا انكتبت انكتب لها الخلود

سقراط:

انا عايز من الخلود انا عايز اغير الناس الى انا عايش معاهم موش مهم الناس تفتكر سمى او تنساه المهم يفتكروا حكمتى وكلامى

تلميذ:

لكن مع الأيام ممكن صورتك تنتسى

سقراط:

يكون احسن كتير انا انسان عايش بين الوجود واللاوجود نا بامشى وسط ضباب الأنسانيه عشان افتحلهم طاقة نور بس المهم انهم يقدروا يحولوا الحكمه والأقوال الى أفعال.

" نيران تشتعل وأصوات صراع وسيف وحرب ليتغير المشهد على كريستياس وحيدا

على المسرح فى زهول بينما اصوات الصراخ والحرب مستمره "

كريستياس:

فين العسكر فين الضباط فين الى كانوا مالىين القصر ويحموه ؟ " يدخل كوستا"

كوستا:

راحوا

كريستياس:

فين قواتك الخاصه فين حرسى؟؟

كوستا:

راحوا

كريستياس:

كلوا راح بمجرد ما عرفوا ان الديمقراطيين على أبواب أثينا !!

كوستا:

ياكريستياس الناس الى أشتريناهم بالمال والمصلحه واللى موش مؤمنه بالصراع جريوا مع أول ضربه

كريستياس:

وانت باقى ليه ياكوستا ماجريتش ليه ؟

كوستا:

انا مربوط بيك للنهايه

كريستياس:

لننهايه ؟ للدرجه دى مخلص ؟

كوستا:

مخلص " يقهقه " لأ بس انا وانت أرتبطنا بموت الناس وعلى أد المصير بيكون الارتباط

كريستياس:

انت ضحيتى ولا انا ضحيتك ؟

كوستا:

بينى وبينك ضحيه مشتركه اسمها السلطه

" يدخل احد الجنود يبدو عليه الرعب والنهايه "

الجندى:

ياكريستياس الجيش واقف على الحياض ما بيتدخلش فى المعركه

كريستياس:

وحرسى فين اعوانى فين المخلصين ؟

الجندى:

مات اكثر من ألف من أعوانك وقرايبك

كريستياس:

اكتر من ألف وليه اعوانى بس هما الى بيدافعوا عن السلطه صلات الدم أقوى من

الحضاره عصبية القبيله والأهل والعشيره أصدق من الفلسفه !!! أبعادوا عنى

"يتحرك كريستياس كالمجنون "

كريستياس:

يامعلمى سقراط انت فين فين الحكمه دلنى عالطريق فهمنى أعمل أيه
"يظهر له سقراط من أعلى"

سقراط:

روح لقدرك اللى صنعته بأيديك

كريستياس:

موتنى ياسقراط قدملى النصيحة أوعظنى زى زمان

سقراط:

ايام الوعظ والنصيحه راحوا

كريستياس:

حاسس أنى معزول وحيد زى الكلب الأجرى كل شىء حواليه راح والجيش رفض يدافع
عنى

سقراط:

الجيش عمره مايدافع ألا عن وطن وعن قضيه هو مؤمن بيها انت اللى بعت بعت أثينا
لأسبرطه عشان الحكم والسلطه موش الجيش عايزه دلوقت يدافع عنك ؟

كريستياس:

أد كده الحكم تمنه غالى طب فين الناس فين الشعب ؟؟

سقراط:

الناس أغلى من الحكم ياكريستياس انت بعت الناس فالناس تخلت عنك

" يتبادل الأثنا موضعهما ليصعد كريستياس "

كريستياس:

أنا حلمت بأثينا عظيمه أنا عملت معاهدات دوليه تخدم أثينا

سقراط:

انت وحكومة الثلاثين ماعملتوش اى حاجه للناس كل اللى عملتوه كان لمصالحكم
الخاصه

كريستياس:

أهرب على قبرص فيه مركب مستتيني ؟

سقراط:

روح انت وسيفك واجه الديمقراطيين

كريستياس:

بالعدد القليل اللى باقى

سقراط:

حتى لو كنت لوحدي وكان الموت عدوك لازم تواجهه خايف

" يخرج كريستياس مهزولاً رافعاً سيفه بينما يصعد سقراط ليغنى مع تلاميذه "

الجميع:

احمر لون الدم ذهب لون الحصاد فضى قصر الحكم وهربوا القواد اجمعوا ياولاد اثبتوا
ياولاد دول عاشوا عز العز وعيشونا فى فقر وذل خربوا البلاد

سقراط:

شوفوا الحكمه بتقول الحكايه الحاكم المحبوب بتقول الدعايه انه ساكن فى القلوب ولما
بيستلم الحكم تكثر الحراس وترتفع الأسوار ياترى ظلم حد ؟ ياترى قتل حد ؟ ياترى خان
بلده؟ امال ليه هربوا الحراس

" يشد الصراع ويظهر كريستياس وهو يصارع الديمقراطيين وينتهى على قتل

كريستياس وحمله للخارج ويخرج معه الجميع ويكمل سقراط باق الأغنيه "

سقراط:

انا ملك ومملكتى خارج هذا الزمان لاعندى حراس ولا أهل وعشيره بأمشى فى الشوارع
حر زى ماخلفنى ربى حر القصر ده لأيه ؟ والسلطه دى لأيه ؟ والذهب والحرس لأيه

السعادة موش محتاجه كل ده كاسك يأتينا

كاسك يأتينا كاسك يأتينا احمر لون الدم دهب لون الحصاد فضى قصر الحاكم الخ الجميع:

" يظهر الكورس مره اخرى "

الموت حكم بين الكل الجثث حجبت نور الشمس عنك ياكريستياس بيقول الديقراطيين انه الكورس:

لاشماته ولادم لكن الحقيقه الواضحه ان الموت كان راحه للجميع والموت خلى بينك

وبين الشعب ياكريستياس تنتقل الصوره للشعب تحت حكم الديمقراطيين نفس المعانخ

واكثر الشعب يعمل والفقر يزيدي يغنى الصنایعيه والبياعين "

اشتغل لما تقول بس لاحلك اتغير ولاشغلك خلص العمال:

" يدخل سقراط وتلاميذه "

سقراط: ازى حال الشغل معاكم ؟

عامل: ذل وضرايب يامعلم

سقراط: وحال الدوله معاكوا ايه ؟

عامل: قلوا الثلاثين راحت ورجعوا الديمقراطيين لأتغيرت احوالنا ولا زاد علينا شىء

عامل: بيقولوا بقى فيه حريه ايه فايده الحريه من غير اكل ودوا

بنت: ايه قيمه الحريه لشعب موش لاقى شغل ولا ولاد لاقيه اكل ولبس ايه فايده الحريه لبلد

حاله واقف

افلاطون: ايه فايده الحريه مع شدة الجوع حريه مع الجوع بتزود حجم الجوع

" يدخل ميلتوس "

ميلتوس: سقراط بيقولوا انك ضد الديمقراطيه ؟

سقراط: لما كان كريستياس فى الحكم وكانوا الديمقراطيين مطهدين مظلومين كنت واقف معاهم

بدافع عنهم ولما تولوا الحكم وبقوا يظلموا الناس بقيت انا مع الناس

" يكمل العمال الغناء بينما يشتد غضب ميلتوس "

العمال: مالناش غيرك يامعلم كلنا مساكين ومظلومين وانت الوحيد اللى قادر تقف فى وش الظلم

سقراط: بما ان الحكومه فشلت وازداد الظلم والضرايب وطال جوع الناس ليكوا الحق تثورو على

الظلم وضد الضرايب وعلى الحكومه

عامل: لأنك طالع مننا لأنك صوت المحرومين وحدك انت بتقهمنا وحدك اعدل من الكل

" بينما الشعب يأن ويتأهب لبدايه ثوره اخرى ينتقل المشهد الى منتدى تيودورا

الذ يلتقى الجميع فيه الموسيقى والخمر والنساء فى وجود الديمقراطيين تغنى تيودورا

بينما يترنح انيتوس من السكر ناظرا بشهوة لتيودورا "

- انيتوس : ماأجملك اليوم تيودرا ريحتى قلبى نفسى كل حاجه فى ترتاح
- تيودورا : احب التصريح لا التلميح انيتوس
- انيتوس : اشربى اشربى كل الديمقراطيه وكل السياسه اللى فى راسى تاهت
- ميلتوس : اسقينا اكثر تيودورا واحنا نفرط الديمقراطيه تحت رجلكى
- تيودورا : انيتوس كوستا كان راجل كريستياس الأول وقاتل آلاف الديمقراطيين ليه خليتوا من خاصة رجالك ؟
- انيتوس : " بضكه خبيثه " دا بقى ديموقراطى بقى مننا
- ميلتوس : مراته جت لأنيتوس باست ايديه وبكت تحت رجليه وتوسلت وهو اعلن ندمه انيتوس
- انيتوس : قلبه نضيف لايحمل ضغيته لأحد ماستحملش عفا عنه
- انيتوس : " يأخذ تيودورا بعيدا " عندى ليكى هديه تيودورا حته جلد وحشى جايه من الأدغال
- انيتوس : ماتغلاش عليكى " يدخل سقراط مفاجاء الجميع "
- سقراط : ماشاء الله الحكومه مجتمعه هنا كلها سهرانه على راحه الشعب ؟
- انيتوس : لاسهرانه ولاحاجه جينا نريح شويه سقراط مش ناوى تسهر معانا سقراط
- سقراط : اللى يشوف تيودورا لازم يسهر
- انيتوس : الليله سهر وبكره جدل
- سقراط : خلى بكره لبكره انيتوس
- تيودورا : تشرب يامعلم
- سقراط : شويه بسيطه لا تذهب العقل
- انيتوس : موش عايز تشرب يبقى مصمم على الجدل " يدخل ابن انيتوس يترنح " ينظر انيتوس
- لأبنه مذهبولا
- انيتوس : وكمان سكران ايه اللى جابك هنا ؟
- الأبن : ابتاه ... تصدق اناعاوز اسألك نفس السؤال
- انيتوس : انا .. انا الدوله والدوله حايه تتقعد احوال الرعيه ويتدبر احتياجاتهم
- الأبن : آه .. ومش خايف أقول لأمى ؟
- انيتوس : أمك " يأخذه ناحيه تيودورا " بذمتك امك ولا الشعب " يغنى الجميع تحت تأثير
- الخمير وصراحتها "
- الأبن : " علمتونا يأبى ان الديمقراطيه هى حكم الأكثرية واتارينا كنا بنحلم بوهم اسمه الحريه
- وشعب موش فاهم لا أستفاد من حكم الطبقيه ولا نفعته الديمقراطيه... يأبى الغريب
- مراقبنا كلنا ولو فيه شىء موش عاجبك بتسلط رجالك علينا : كده تبقى الديمقراطيه

انك كلام فى كلام وكذب علينا مع وهم الحريه "
" يظل يتصارع الجميع موضحا فهمه للديمقراطيه فيما يتجاذب سقراط وانيتوس
لتىودورا

كل من جانب لينتهى المشهد بآءنقءاء الديمقراطية تحت صراحه الخمر"
يتحول المشهد الى قصر الحكم اانيتوس وميلوتوس يءخلان مترنحان سكرآ على صباح
ءءىء "

- انيتوس : الظاهر نقلنا امبارح فى الشرب
ميلتوس : امبارح بس سيبك لحظات المتعه قليله " يظهر كوستا فى المشهد "
كوستا : مولانا
ميلتوس : ءا كوستا
انيتوس : كوستا مآعرفتوش سبب احتجاجات الناس وعصيانهم
كوستا : سببه زيآءة الضرايب
انيتوس : مين ورا الأحتجاجات
كوستا : وراها سقراط " يفرع اانيتوس ويفيق من سكرته "
انيتوس : لازم نتخلص من سقراط
كوستا : لو موئناه هايبقى شهيد والناس بتحبه الأفضل نحاكمه والآخر اءءام
ميلتوس : بكل الوسائل لازم نضغط عالرأى العام لازم يتقلب عليه غيروا كل الحقايق
انيتوس : اكءولهم اننا بنءافع عن الآلهه والءىن وان سقراط كافر
" ءءل اكزنتىبى مهروله ومئوئره "
اكزنتىبى : اانيتوس ياأنيئوس
انيتوس : فيه ايه يامرات سقراط ؟
اكزنتىبى : سقراط مآباتش الليله فى البيت
انيتوس : امال كان فىن ؟
اكزنتىبى : بيقولوا كان سهران عئء ءىوءورا هو وأصحابه
انيتوس : وعرفئى كان سهران مع مين ؟
اكزنتىبى : اكىء اللى شبيهه
انيتوس : والسهره عئء ءىوءورا طبعآ
ميلتوس : وانت ايش عرفك ؟
انيتوس : يءرب عقلك امال اءنا كنا مع مين امبارح " سرا وبعئء عن اكزنتىبى "

اكزنتيبي :

ارجوك يا أنيتوس شغله طريقه يبات فيها فى بيته

انيتوس :

سقراط ببسهر مع تيودورا واحنا بنسهر نتعب بمسئوليه الحكم وندبر احوال اثينا وما

رجعش لغايه دلوقت ؟

اكزنتيبي :

الظاهر انه بات عندها

انيتوس :

بات عندها لا لا لا داشيء مايسكتش عنه " يجرى ناحيه ميلتوس "

ميلتوس :

مين قالك انه بايت عند تيودورا ؟

انيتوس :

يخرب عقلك وطى صوتك بايت ايه ماهو خارج معنا امبارح فوق بقى

ميلتوس :

ايوه اكيد بايت عندها

انيتوس :

متأكد يا أكزنتيبي " تهز رأسها " طب روحى وسينى ادبر أمر سقراط " تخرج

" يدخل سقراط على يد كوستا "

كوستا :

سقراط يامولاي

سقراط :

أفكر يا أنيتوس زى ماكوستا جابك لكريستياس جابنى النهارده ليك ... لكن لأننا انيتوس

ولأنت كريستياس يا أنيتوس

انيتوس :

كنت نايم فين ياسقراط ؟

سقراط

نايم مكان مانايم مالك يا أنيتوس ؟

انيتوس :

كنت نايم عند تيودورا ؟ مراتك كانت عندى

سقراط :

وانت مراتك كانت عندى

انيتوس :

" خائفا " قتلها عن امبارح ؟

سقراط :

نفس اللى قولته لمراتى عنى

انيتوس :

لا سامحك الآلهه

سقراط :

يا أنيتوس ... فهمنى عاوز ايه .. عايز الحكم ولا عايز تيودورا ولا عايز تسكتنى ولا

عايز مصالحك الخاصه ... سمى أثينا بأسمك وريحنا وخلص

انيتوس :

سقراط عاوز اعرض عليك نباء صفحه جديده وتعاون جديد

سقراط :

قول اللى عندك يا أنيتوس

انيتوس :

تقديرا لك ... عندى ليك هديه ... بيت بجنيه على شط البحر قولك ايه ؟

سقراط :

ماتعودتش عالهدايا

انيتوس :

طب هاعرض عليك ... شاركنا فى الحكم

سقراط :

واذا شاركك فى الحكم .. الجوع هaimشى من أثينا الأفضل ان انت اللى تسبب الحكم

العصايه دى ولبسى البسيط ده جاينين بالتغيير أكيد

- انيتوس : عندى لك عرض اخير ... ايه قولك تسافر على مصر تطلع على علومها العظيمة
وتدرس حضارتها الأعظم وتأخذ راحتك عالاخر فى مصر ؟
- ميلتوس : انا موافق اروح
- انيتوس : اسكت انت
- سقراط : رجالتك عايزه تهرب منك يا أنيتوس
- انيتوس : انا شايف ان وجودك باثينا بقى خطر عليك ياسقراط
- سقراط : انا مع أثينا ... ومع الخطر بأكون " يخرج سقراط ويقف انيتوس مذهولا "
- انيتوس : لازم نخلص منك ياسقراط" ننقل لمشهد آخر سقراط ينحت فى تمثال وتتدخل عليه زوجته
- اكزنتيبى : انت لسه فى النحت ؟ سييه من ايدك .. عايزه اتكلم معاك
- سقراط : نفسى انحت اهالى المدينه وانحت رؤوس الحكام اللى نازله نحت فينا
- اكزنتيبى : نحت نحت نحت .. بقالك سنين بتتحت وطول عمرك بتوعظ .. ياأما النفس مابيفهموش
- ياأما وعظك مالوش قيمه ولا معنى
- سقراط : اللى يحزن ياأكزنتيبى ان يكون أقرب الناس لينا .. هما أبعدهم عنا
- اكزنتيبى : رجعت تتكلم بالألغاز والفلسفه " تسير امامه بدلال وانوئه "
- سقراط : جميل التوب عليكى
- اكزنتيبى : عاجباك
- سقراط : عاجبنى التوب وصاحبة التوب
- اكزنتيبى : كويس بعد ثلاثين سنه جواز قولتلى كلمه حلوه
- سقراط : كويس انى قولتلك كلمه فى الثلاثين سنه
- اكزنتيبى : ولو كانت تيودورا ؟
- سقراط : غيرى الموضوع
- اكزنتيبى : اشتريت ثلاث فساتين النهارده
- سقراط : احوالك الماديه حلوه
- اكزنتيبى : جبتهم بفوايد من كريتون
- سقراط : امسكى ايدك ياأكزنتيبى اثينا حالها صعب وانيتوس خائف الناس بالضرايب
- اكزنتيبى : بس انا لازم يكون مظهرى شيك انا مرات الفيلسوف
- سقراط : مرات الفيلسوف ...! اذا كان الفيلسوف بيشترب تياب كل سنه مره .. يبقى
- مرات الفيلسوف كل سنتين " يدخل اثنان من الجنود يحملان السلاح "
- جندى : سقراط فيه شكوى متقدمه فيك

- سقراط : من مين ؟
- الجندي : من انيتوس وميلتوس ونيكون
- سقراط : " يبدو السرور على اكرنتيبي بينما ينظر لها سقراط بضيق واستغراب "
- سقراط : شكرا لتبلغك " ثم يوجهه حديثه لأكرنتيبي " عندى محاوره موش هأتأخر "
- يخرج " تبدو سعادة اكرنتيبي وتغنى "
- اكرنتيبي : يسلم عقلك ياأكرنتيبي .. باين شغلك ياأكرنتيبي .. اشتكىتى والشكوى باينه ..
- وكلوا بأيدك ياأكرنتيبي .. وبكره راح يصدر الحكم .. سقراط هايسمع لمراته
- سقراط هايقعد فى البيت وأكرنتيبي تبقى ست الستات .. لكن ياأكرنتيبي انتى اللى
- قدمتى الشكوى .. ليه الشكوى بأسم انيتوس .. ليه ليه ليه ليه ؟؟؟؟ " تظهر تيودرا "
- تيودورا : الشكوى موش بأسمك ياأكرنتيبي !!!
- اكرنتيبي : امال بأسم مين ؟
- تيودورا : انيتوس وميلتوس ونيكون
- اكرنتيبي : ايوه .. علشان سقراط مايزعلش منى دول خدمونى
- تيودورا : لا ياأكرنتيبي الشكوى دى قاصده رقبة سقراط
- اكرنتيبي : رقبة سقراط ؟
- تيودورا : الشكوى انه بيخرب ويهدم اثينا
- اكرنتيبي : لكن انا ماقولتش كده !!
- تيودورا : ومتهم بهدم الدين والكفر
- اكرنتيبي : موش صحيح
- تيودورا : وتغير عقول الشباب
- اكرنتيبي : ليه غيروا كلامى ؟ اناكنت عايزه يقعد فى البيت .. الاتهامات دى كلها كذب كذب
- " ينتقل المشهد لقصر الحكم ويظهر انيتوس وميلتوس ونيكون وتبدو المؤامره "
- انيتوس : حذارى ان سقراط يطلع برىء ... احشدولى اكبر عدد من القضاة
- ميلتوس : احنا مجهزين اكثر من خمسمائه قاضى ديمقراطى من كل انحاء أثينا
- نيكون : موش حانسيه الا وكل أثينا ضده
- انيتوس : ماتسيبوش اى وسيله الا وتستعملوها ضده .. عوز حكم باء عدامه اى اموال ماتهمش
- .. غيروا عقول القضاة اشتروا الحكم بأى تمن
- ميلتوس : اطمن جايبين قضاة الحكم من خارج اثينا مايعرفوش مين سقراط وحايحكموا عليه
- بالأدله والأتهامات اللى أدامهم

- نيكون : اعتمد عليا وعلى ميلتوس
- تيودورا: , ينتقل المشهد سريعا الى احدى ساحات أثينا بين سقراط وتيودورا "
- سقراط : خلينى معاك يامعلم ادونلك افكارك اسهر على راحتك اخدمك
- تيودورا: يوم من الأيام فيه طريق لازم نمشيه ياتيودورا
- سقراط: لكن لوبعدنا عن الطريق ده بأيدينا .. نفدر نعيش اجمل لحظات السعاده والفرح
- سقراط : اجمل المشاعر اللى بتبقى صامته وماتخرجش
- تيودورا: خايف من المحاكمه ؟
- سقراط : نكته بايخه مالهاش طعم وضحك ساخر مرير
- تيودورا: حاسه بشيء غامض وقلبي مقبوض
- سقراط : داآخر كلام قاله كريستياس قبل ماي موت
- تيودورا: قاله وهو خايف ؟
- سقراط : كان خايف انا شجعته .. سهل كتير نبعت غيرنا للموت .. لكن صعب علينا ان احنا
- اللى نروح للموت
- تيودورا: يبقى اجمل لو قدرنا نوقف اللحظة ؟
- سقراط : ماعادش شيء حميل ياتيودورا .. نفدر نوقف مشاعرنا وعواطفنا لكن اقدارنا لأ
- تيودورا: موش زعلان على شيء ؟
- سقراط : زعلان من قوة السلطه اللى بتلاحقنا وتطاردنا " يدخل افلاطون لاهتا "
- افلاطون : لازم تسبب أثينا فورا عاوزين يتخلصوا منك بالمحاكمات الثوريه
- سقراط : من الجبن ياأفلاطون الهروب ساعة الحق لازم نواجهه المصير
- افلاطون : الكتره بتغلب والسلطه تقدر تبدل الباطل وتخليه حق
- سقراط : بأسئلكم ؟ هل البحث عن الحق والعدل دايمًا جزاؤه الموت ؟
- " يتحول المشهد الى محاكمة سقراط .. تغلو الهتافات مع صعود الموسيقى ليظهر صوت سقراط من الخلف "
- لازم ندافع عن الحق .. لازم نواجهه الباطل .. لازم نسعى للخير .. لازم نمنع الظلم
- مهما كلفنا من تمن وحتى لو كان التمن حياتنا
- " يدخل القضاة فى سير منضبط ووقار حيث ينشدون "
- الجميع : اثينا اثينا تاجها الحق مزين بأكاليل الغار بأطيايف الوداعه .. اثينا العظيمه يادرع اليونان
- يالؤلؤه بهيه ومدينه آلهيه
- الحاجب : المتهم واحد والقضاة ستة عشر دم الفيلسوف بتتحمله المدينه ؟

- الديمقراطيين : احنا اللى بنتحملة يموت سقراط وتحيا اثينا
- قاضى : الفيلسوف فى حضرة المحكمه .. ياسقراط فيه تهمة موجهه اليك من شعب اثينا دافع عن نفسك
- سقراط : مهمة الإنسان ليست الدفاع عن نفسه تجاه الظلم .. انما التعايش باءنسجام مع الخير
- القاضى : ياسيد الفلاسفه اسمع " يشير الى الناس "
- الشعب : يعدم .. يعدم .. يعدم
- تيودورا : اذكروا تاريخ هذا اليوم واذكروا القضاء للأيام القادمه لأن هذا اليوم هو يوم سقراط
- الديمقراطيين : التهمه خطيره والمتهم اخطر .. عايز يهدم اثينا العظيمه .. عايز يغير جوهر وتقاليد اثينا الموروثة
- سقراط : الدوله حصان جامح والفيلسوف هو لجام الخيل وعشان تسيّر الدوله بطريق صحيح لابد ان تقودها الحكمة والفلسفه
- الشعب : سقراط عاوزنا نعبد ءالهه واحد.. عاوز يطرد آلهة اثينا عايز يغير ايماننا وصلواتنا
- الديمقراطيين : ملحد .. كافر .. كافر
- الأغنياء : الآلهه زعلانه وزعلانه التجار .. سوق الغنم فى اليونان حاله واقف بسببك والتجار سابوا تجارة المواشى
- سقراط : وانا ذنبى ايه ؟
- الأغنياء : انت اللى غيرت عقول الناس تخلوا عن ايمانهم ماعدش حد بيشتري اغنام ويقدمها ضحيه للآلهه
- سقراط : وانت يامحترمين بتدافعوا عن مين ؟ عن الآلهه .. ولا عن التجار ؟
- الأغنياء : كلوا بيكمل بعضه .. المصلحه واحده احنا بندايف عن الطرفين
- الشعب : ملحد كافر كافر
- سقراط : ءالهى أوكلنى بمهمه أن ابحت عن ذاتى وعن ذات الآخرين .. لما حاورت السياسيين شفت انى أعدل منهم .. بحثت فى التجار أخفوا عنى دفاترهم لما طلبت من الشعرا تفسير لقصايدهم لقيت الشعب بيعبر اسرع وأقوى وأبلغ منهم وأتارى الحكيم هو أنا
- الشعب : ليه ؟ ليه ؟
- سقراط : لأنى أعلم وأعلم أنى لأعلم .. وغيرى يعلم ولا يعلم أنه لايعلم
- قاضى : ياسقراط اذا طلبت منك المحكمه ان تتوقف عن الفلسفه .. مستعد ؟
- سقراط : انا خادم العداله .. لكن العدل الألهى قبل عدلكم .. لن أتوقف عن الفلسفه لو هأموت
- ياأنيتوس انتو عاوزين تخلونى اتوسل وأترجى فيكم فيه ناس كانت تهتمها اعظم وجابوا

ولادهم وزوجاتهم يترجوكم العفو والمغفرة .. انا موش هاأجيب حد ولاهاترجاكم
.. من العيب ان نلتمس العدالة بالشفقه والتذلل

قاضيان :

ياسقراط يادايير بالساحات والشوارع تعلم الناس خفف لهجتك شويه

سقراط :

ياحضرة القاضيان انا عارف تهمة الموت ماحدش يطلب منى موقف لاينسجم مع واجبي

الأخلاقه والدينى .. ياأهل اثينا أذكروا أن يستعبدكم المال أهتموا بالعلم اوعوا تتخلوا عن

عظمة اثينا .. قوللى ياميلتوس..مفروض على الشباب انه ياخذ فرصته أكثر ؟

ميلتوس :

بالتأكيد " بتردد"

سقراط :

من هو المربى الصالح لهم ؟

ميلتوس :

القوانين

سقراط :

وميين اللى بيفسر القوانين

ميلتوس :

القضاء

سقراط :

كلهم

ميلتوس :

كلهم

سقراط :

والمحلفين

ميلتوس :

والمحلفين واعضاء المجالس

سقراط :

مين بيربى الشباب

ميلتوس :

كل الناس

سقراط :

يعنى كل اثينا.. يعنى القوانين والأهالى مسئولين عن تربية الشباب وأذا كان الكل

مسئوليته واضحه ازاي وحدي أنا المتهم ؟

ميلتوس :

ايوه انت المتهم

سقراط:

لو الناس زيك يبقى عمرهم ماهيفهموا

انيتوس :

كفايه محاورات ياسقراط التهمه واضحه

الشعب :

كافر كافر

الأغنياء :

احنا نقترح عقوبه ..وسقراط يقترح عقوبه والقضاء يحكموا

ميلتوس :

لاالغرامه ولا السجن هايغيروا سقراط

الجميع :

الأعدام الأعدام

التلاميذ :

اختار الحبس يامعلم الحبس

سقراط :

مستحيل أبقى تحت رحمه سجان

التلاميذ :

اختارالغرامه

- سقراط : أنا أفقر من في اثينا
- افلاطون : انا بادفع الغرامه مهما كانت
- تيودورا : المنفى .. اختار المنفى
- سقراط : انا معاهد اثينا اعيش واموت في ارضها وعمرى مهافارقها ... انا باختار العقوبه
- " الجميع يتقرب والحرس يسكت الجميع " يا أهل اثينا اللي حافظ شوارعها وعارف كل طوبه وكل حجر زى العاشق المحب
- الشعب : اثينا اثينا اثينا
- سقراط : انا الخير اللي فيكم واللى جاى ليكم انا صوت الحق اللي بيدافع عنكم عمرى
- ماشتهيت حكم ولا طلبت وظيفه او منصب ولا أنضميت لحزب ولا أستغلّيت الدوله بأسم الدين او الديمقراطيه ولا تاجرت بحاجه الناس للحرية وفقري يشهد عليا ولهذا السبب
- الشعب : لهذا السبب .. لهذا السبب
- سقراط : كان واجب على الدوله تعيشنى عيشه آدميه كان واجب على الدوله توفرلى بيت وتنفعلى شهره
- الديمقراطيين : ماكر خادع .. يعدم يعدم
- كبير القضاة: هذا فيلسوف اثينا مش ممكن احكم الا اذا كان فيه جريمه القضاة لايحملون المسئوليه
- الديمقراطيين : احنا المسئولين عن الحكم .. اسئلوا الأغلبه ؟
- " يقف سقراط مستسلما منكس الرأس "
- كبير القضاة: هدم الأديان واستبدال العادات وبناء على حكم الأكثريه .. حكمنا على سقراط بالأعدام والوسيله السم " يفيق سقراط ويجرى ناحية القاضى ثم يعود "
- سقراط : يا أهل اثينا .. اللحظة فارقه .. انتم على باب الحياه وانا على باب الموت .. بس التاريخ لازم ينكتب .. واللى بيكتب التاريخ هو المنتصرونا اللي هاكتب التاريخ بانتصارى عليكم .
- بالمستقبل اللي هاحكم عليا ويقول انى مت من أجل الحقيقه
- "انتهت المحكمه"